



Broj: 01/1-50-1-16/07

Sarajevo: 05.06.2007. godine

Z A P I S N I K
sa 16. sjednice Ustavnopravne komisije

Sjednica je održana 05.06.2007.godine s početkom u 11,00 sati.

Sjednici su prisustvovali članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Velimir Jukić i Adem Huskić.**
Član Komisije Martin Raguž je opravdao svoj izostanak.

Sjednici je prisustvovao Milan Zjajić koji je obavljao poslove Sekretara Komisije, pripravnica Đenita Pašić zaposlena u Sekretarijatu PS BiH i student stažista Ajdin Brčaninović.

Poslanici Drago Kalabić, Momčilo Novaković i Lazar Prodanović su predložili da se sa dnevnog reda sjednice skinu tačke: Amandman I na Ustav BiH, predlagača Azre Hadžiahmetović i Bakira Izetbegovića i Prijedlog zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti, predlagača Ekrema Ajanovića.

Većinom glasova i to sa 3 glasa "za", 4 glasa "protiv" i 1 glas "uzdržan", prijedlog je odbijen i utvrđen dnevni red u kojem su se našle i ove dvije tačke. Komisija je usvojila sljedeći dnevni red:

D N E V N I R E D :

1. Verifikovanje Zapisnika sa:
 - a) 14. sjednice održane 23.5.2007. godine i
 - b) 15. sjednice održane 30.4.2007. godine;
2. Prijedlog zakona o radijacionoj i nuklearnoj sigurnosti u BiH, predlagač Vijeće ministara BiH, rasprava o amandmanima u plenarnoj fazi;
3. Prijedlog zakona o izmjenama i dopunama Zakona o osiguranju depozita u bankama BiH, predlagač Azra Hadžiahmetović;
4. Amandman I. na Ustav BiH, predlagači Azra Hadžiahmetović i Bakir Izetbegović;
5. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, predlagač Vijeće ministara BiH;
6. Prijedlog zakona o izmjenama i dopunama Zakona o parničnom postupku pred Sudom BiH, predlagač Vijeće ministara BiH;
7. Prijedlog zakona o radu i zapošljavanju, predlagač Šemsudin Mehmedović;
8. Prijedlog zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti, predlagač Ekrem Ajanović.
9. Inicijativa poslanika Denisa Bećirovića;
10. Ostala pitanja

Nakon što je usvojen dnevni red, poslanici Drago Kalabić, Momčilo Novaković i Lazar Prodanović su napustili sjednicu Komisije. Komisija je pokušala nastaviti rad po utvrđenom dnevnom redu. Član Komisije Velimir Jukić je predložio da se sjednica odloži za narednu sedmicu jer ni on ne bi bio spreman učestvovati u nastavku rada sjednice. Obzirom da Komisija ne bi imala kvorum, odlučeno je da se sjednica prekine i nastavak zakaže za 12.06.2007.godine u 10,00 sati.

Predsjedavajući Komisije je zaključio sjednicu u 12,50 sati.

Nastavak 16. sjednice je održan 12.06.2007.godine s početkom u 10,00 sati.

Sjednici su prisustvovali svi članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Martin Raguž, Velimir Jukić i Adem Huskić.**

Sjednici je prisustvovao Zijad Hasić, koji je obavljao poslove sekretara, te pripravnica Denita Pašić zaposlena u Sekretarijatu PS BiH i student stažista Ajdin Brčaninović.

Nakon duže rasprave i problema sa kvorumom za rad predsjedavajući Komisije je predložio da se sa dnevnog reda skinu tačke 4. i 8. a da se rasprava održi po ostalim tačkama dnevnog reda. Komisija je jednoglasno prihvatila sljedeći dnevni red:

DNEVNI RED :

1. Verifikovanje Zapisnika sa:
 - a) 14. sjednice održane 23.5.2007. godine i
 - b) 15. sjednice održane 30.4.2007. godine;
2. Prijedlog zakona o radijacionoj i nuklearnoj sigurnosti u BiH, predlagač Vijeće ministara BiH, rasprava o amandmanima u plenarnoj fazi;
3. Prijedlog zakona o izmjenama i dopunama Zakona o osiguranju depozita u bankama BiH, predlagač Azra Hadžiahmetović;
4. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, predlagač Vijeće ministara BiH;
5. Prijedlog zakona o izmjenama i dopunama Zakona o parničnom postupku pred Sudom BiH, predlagač Vijeće ministara BiH;
6. Prijedlog zakona o radu i zapošljavanju, predlagač Šemsudin Mehmedović;
7. Inicijativa poslanika Denisa Bećirovića;
8. Ostala pitanja

Ad. 1. Verifikovanje zapisnika

Komisija je bez primjedbi jednoglasno verifikovala sljedeće zapisnike

- a) 14. sjednice održane 23.5.2007. godine i
- b) 15. sjednice održane 30.4.2007. godine;

Ad. 2. Prijedlog zakona o radijacionoj i nuklearnoj sigurnosti u BiH, predlagač Vijeće ministara BiH, rasprava o amandmanima u plenarnoj fazi;

Nakon opšte rasprave u kojoj su učestvovali članovi Komisije Šefik Džaferović, Momčilo Novaković, Lazar Prodanović, Ekrem Ajanović kao i Branka Todorović, Komisija je jednoglasno zaključila da poslanici Ekrem Ajanović, Lazar Prodanović i Halid Genjac pokušaju iznaći neko prihvatljivo rješenje za Zakon do sjednice Predstavničkog doma.

Ad. 3. Prijedlog zakona o izmjenama i dopunama Zakona o osiguranju depozita u bankama BiH, predlagač Azra Hadžiahmetović;

Nakon provedene rasprave, Ustavnopravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o osiguranju depozita u bankama BiH,
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.3. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, predlagač Vijeće ministara BiH;

Nakon provedene rasprave, Ustavnopravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmirenju obaveza po osnovu računa stare devizne štednje;
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.4. Prijedlog zakona o izmjenama i dopunama Zakona o parničnom postupku pred Sudom BiH, predlagač Vijeće ministara BiH;

Nakon provedene rasprave, Ustavnopravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o parničnom postupku pred Sudom BiH;
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.5. Prijedlog zakona o radu i zapošljavanju, predlagač Šemsudin Mehmedović;

Nakon provedene rasprave, Ustavnopravna komisija Predstavničkog doma je većinom glasova i to sa 6 glasova “za“ i tri glasa “protiv“ utvrdila sljedeće:

1. Postoji valjan ustavno-pravni osnov za donošenje Zakona o radu i zapošljavanju Bosne i Hercegovine;
2. Ponuđeni tekst zakona je usklađen sa Ustavom Bosne i Hercegovine i
3. Ponuđeni tekst zakona se može uputiti u dalju zakonodavnu proceduru.

Ad.6. Inicijativa poslanika Denisa Bećirovića;

Nakon provedene rasprave, Ustavnopravna komisija Predstavničkog doma je većinom glasova i to sa sedam glasova “za“ i jedan “uzdržan“ usvojila zaključak:

1. Inicijativa poslanika Denisa Bećirovića je opravdana i
2. Predlaže se Predstavničkom domu Parlamentarne skupštine BiH da usvoji Inicijativu.

Kako nije bilo više drugih pitanja, predsjedavajući Komisije je zaključio sjednicu u 12,50 sati.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović